

竹葉庵文集

竹葉庵文集卷十七

吳縣

張墳  
尚書

詩十七

祕閣集二

庚子八月迄辛丑閏五月

恭進

天子萬壽頌九章

乾隆四十五年八月進

維

皇建極錫福駢懋佃田宅宅老老幼幼  
毳毼繁昌衣會輻輳以頌緝熙

天子萬壽

維

皇敬

天受

竹葉庵文集卷一七  
天之祐日月壇茅

丘

澤犧繡六宗寒暑百祀屋雷罔不迓福

天子萬壽

維

皇敬

祖

聖聖受授長白松杏祥雲在岫風雨百戰

九廟飲酎永貽

聖孫

天子萬壽

維

皇文德入學教胃六經啓蒙三史正謬 祕殿進書

親分句讀自彊不息

天子萬壽

維

皇武功振恪宇宙二萬里外賊不敢鬪何況土司詎以養寇

仁者有勇

天子萬壽

維

皇御製義畫之富韻設天成詩高雅奏洗濯金石升降斯猶

依仁游藝

天子萬壽

乃練時日五

南巡狩防海治河元元托宥禾黍永登蛟鱓不吼兆民賴之

天子萬壽

乃布恩綸輪廣包覆蠲租停漕闢門籲秀九老八儒鱗飛羽  
簪黃髮拜颺

天子萬壽

山莊令節桂馥松茂香雲古佛天花巖竇公侯藩部鐘鼓勸侑  
臚慶祝釐

天子萬壽

題雅宜山人詩卷真迹二首

石湖秋汎共題詩橘綠橙黃好景遲想見吳中諸老輩牆頭送

酒過船時

詩序與文待詔同記石湖

題名人重雅宜山展卷雲煙落照閒慚愧松楸山下路未能結

屋對溪鳴

雅宜山一名貞山一名小茅山在吳縣二十一都四畝之姚家巷子家先塋在此山下

葑亭招同覃溪心餘載軒兩峰看桂花得淮南二字禁

用小山故事金粟木樨等字二首

不同枳橘渡江淮婉孌風光在小齋隔屋能香寒露節

桂花九月開謂寒露

花花穠賣之供故人有約夕陽街結毬天氣鶯黃帕靠水山塘鳳股釵

虎邱山塘結桂

閩闍之妝士女丰昌南國會十季不到諧天涯

剡紅書屋在江南百盞明鐙月吐三

吳中朱氏剡紅書屋古桂二本賞花時樹下懸燈百計

聞說

樓臺花易主不逢風雨酒初酣英英細朵先抽菊冉冉秋容好

破柑富貴季華隨轉轂眼角開謝總難堪

桂覆指頭八分書歌

作字用指不用指智巧胚孕中山豪長須跛口長歎息欲利在

用拔我毛毳閒鍾王偉丈夫成名胡爲須吾暫未谷

覆之

大咲

揮曰去吾用吾手寧辭勞巨擘筋麤若鯨吐小指螺細如蝦跳  
何人鹵莽蘸頭髮何人齷齪操襟袍指頭豐囚箸紙囚中有  
骨非空描將將戛戛紙囚聲墨汁風雨秋窗高張遷夏承露光  
怪華山郝閣爭岩堯漢賢並不傳此法巨靈而後文字饒名士  
好名出新樣甄苑角甄無捉刀徐韓李蔡若後出筆錢可眉堆  
堂坳吁嗟虐如君狡獪計亦毒天下筆工閉門哭

盡美人

在母看花天寂寞吹笙院良會期未來縈情在秋扇

覃溪圖蘇端明游迹四幀七題四首

黃樓

淋漓大集比長洪好句重陽一會中黃土堊樓天地壯羽衣吹  
笛古今雄中原水怪迴千鋪太守風流憶此公六百季來尋舊

迹偶因題畫語元豐

樓成於元豐元年

雪堂

東坡營後雪堂開雪際空明絕點埃門啓對看江月出燈歸多  
自酒家來老攜室婦同鉏菜冷有山僧不畫梅

謂參寥

銀海玉樓

拈咲處枉教宰相解憐才

白鶴峰

新居初造上梁文米賤黍豐亦苦君相對蕭條惟白鶴可憐涕  
淚葬紅裙

謂朝雲

半季又作辭巢燕萬事真如遶髮蟲直到海頭  
無去處冥冥闔闔訴靈芬

載酒堂

歎息黎家載酒堂眼旃突兀亦茫茫當季要路皆豺虎今日諸  
生奉弁璋

今爲先生祠堂

一代黨人如艸芥四天海氣上桄榔而今消遣



書窗供荔又重月甘又黃

陸以寧上舍下榻荒齋九閱月將之太原口占此詩送  
行

多時風雨共蕭晨河鼓燈花夜坐頻稚子眼眉憐失學孤鴻天  
際重懷人緇衣彊好憑誰奪醴酒難畱諒我貧風峪鐵人銘字  
在蚤同書信寄交親

承許以金石見寄

羅山人畫李令約庵富春月中句爲借笠看山圖約庵  
屬題長句

人生安得盡好詩那望篇篇入盡囊富春江上看山來一笠煙  
波闕窈窕披羊皮裘釣白魚擊竹如意歌朱鳥古人往往不可  
作萬事茫茫都迅掃兩峰之盡約庵詩流落人間爲墨寶畫中  
飽放只三帆無數餘檣滯江杪可行則行止則止雲起煙邨人

語小白頭歎息老江湖打鼓回船時尚早不知今夜傍誰泊風  
際漁燈一點好弄珠若遇水明樓多采江花與江艸

十月十五夜飲馮伍耘孝廉寓齋同金棕亭博士步月  
半里許而歸

鐙火招要一倍親東西巷接往來頻喜看冬月如春月得遇閒  
人又酒人枯木無聲雅閃閃寒莎有徑犬狺狺今季兩度銀蟾  
狂多恐相逢雪霰辰

十六月夜對酒三舍姪初至京師

鏡臺刀尺月明中猶喜曾無霜信風半夜殘杯皆骨肉初冬餘  
暝在房櫳馬郎下澤情偏切左女如花態不同檢點諸兒畱課  
本解將讀史弔英雄

頤王意田舍人同季畫意田小景

已丑同官四十人君以高才作爲殿十二季來未補官鏡裏朱  
顏鬢毛變孫郎清永大纛作方伯龔生身黃墟窈幽宅生死富貴  
不可知雪夜空堂爲嘯喙王兄何必歎無田江水之誓亦可憐  
黑牡月濃紅穉稔書聲小屋出晴煙

洋琴歌

洋琴洋琴來西洋四十八柱十二行琴身一尺七寸長句股不  
圓亦不方搓銅作絃分子母削竹爲筵捶宮商可憐兩手弄兩  
筵絃多韻亂淒中腸是日山頭半夕陽掩掩抑抑爭洞房一溪  
風浪羚羊峽四處猿聲薜荔牆人生半百不稱意那能爲爾久  
徬徨記曾少歲游山塘桃花李花閒綠楊長橋小市停湖舫子  
夜新聲出女郎二十餘季花徑改百千舊恨水亭荒似我青春  
逐水流想君白髮故人羞拌將老病閒支枕不爲天涯重倚樓

初寒新葺小齋吟詩示兒姪

蝥物同人一樣寒黏窗墁地便爲安有情今古殘書在無事乾坤小屋寬游戲人間師子韉徘徊雪夜鹿皮冠布衣孝弟供租稅何必兒孫盡作官

黃小松主簿

易

畫得石圖爲李君鐵橋

東琪

在濟寧學

宮古松樹下掘得瀝膠東令王君廟碑作也小松寄圖

乞題此詩

尋碑久慣諳碑相石理苔花分翠墨不到碑背數十步是唐是宋吾已識只嫌溼碑無可尋此物人間大難得然而書札數千里唐公房碑獲廟刻洪丞相後六百季僕又區區殫心力

子寄書與城固

合訪仙人唐公房碑果知此石尚在人間拓來稍稍流傳鄙人不謂無功也

濟寧學舍膠東碣季遠埋在老松側

天上霹靂火不燒地下茯苓人不食松身碑字皆龍蛇混混濇

澆日西昃九泉不敢藏至寶萬神相衛無一賊鐵橋荷鉏掘碑  
去碑哀松根斷其纏奮土出地三五尺觀者堵牆羣歎息炎劉  
九鼎蕩雲煙片石三生在井邑黃生黃生爾亦訪得元氏碑

公山碑小松訪得元氏野中今移龍化寺

斯事精靈仗通塞題詩寄遠感鄭重野竹寒梅

消雪汁

十一月三日 賜哈密瓜恭紀

燉煌瓜味古瓜州貢使人來雪海頭萬里蒲萄開一統千峰首  
藉富三秋羌兒裒蔓安農圃 漢殿分甘近冕旒多少侍臣慚  
解渴任它百果總堪羞

冬至甫二日 賜蘋果紀 恩之作

頻婆香色耐霜晨手帕籠來 御苑珍明日薦先爲異品半生  
稽古愧儒臣兒童懷核思甬事饒果同盤及令辰老退江湖風

夜月柴門誇與故鄉親

藏園詩爲心餘賦三首

章貢門前水高城雉堞臨仙人好樓閣名士有園林荷葉滿池  
舉朱簾一帶溪先生讀書地它日眾人尋

藏身老屋好所願更藏名孝弟看見輩文章熟在情江湖漁艇  
在風雪鶴巢成遲我富春去多君南浦迎

記與論交日風花歲月遷白頭官七品大集壽千季白傳維中  
宅坡翁陽羨田英雄思結局今古總堪憐

頌潘蘭垞編修璧臺綺業詩後二首

小叢風貌潘郎筆絕代鉛華不可刪我已廿季除綺語爲君情  
淚制潺湲

君是如來幼弟無孫陀額粉上衣襦而今枯木寒巖下可道從

甫只野狐

倪敬堂侍郎招同翁覃溪學士施耦堂御史邵二雲編  
修消寒寓齋出咏元絹首行織成十二字曰江天雲樹

至元丙子製冰雲箋爲長歌賦之

元順帝至元二年亦爲丙子此詩  
主世祖至元十三年爲丙子作也

慶歷東川造蜀素邵氏顯識熙寧初素成四十有五季溪堂乃  
乞米老書又聞官庫度大紙雪繭十丈如雲鋪承旨不敢擅下  
筆記其邊縫聊藏諸侍郎冬夜開酒廚酒邊出咏元絹麤經濶  
緯圓梭子疾蠶肥絲富天工殊織成至元丙子製冰雲箋字非  
模餽不許人屯不愛惜壓倒紫鳳妃央圖老母之綾娘子布一  
錢不值委泥塗當時軋軋妙手呼寒窗寸寸工夫餘出絲二斤  
限七戶不以匹絹徵官租那知福州海上人采桑婦女皆窮途  
金繪中原摧敗絮粟帛赤地灰紅爐絲縷能續命不續織不成

匹南宋都賸水殘山此錦繡纏頭歌舞又西湖吁嗟乎珍重侍郎藏此絹興亾同感宣和扇張翥若个乘查歸月冷河源織女殿

覃溪招集詩境軒觀文休承畫沈石田遺像並見貽溼  
雒陽令王稚子石闕拓本覃溪各賦一詩次韻二首

先生享耆壽臞絕比瘠沈六十有白須袍衷或墨瀋西莊盛竹石老境瀟灑甚遺像存里中舊家咸共諗月青妙涂澤文章謝雕鏤社必歿而祭兒擬精以審溪山寫行窩風月具異稟海田閱時代蟲沙雜魚淪貴佩印六國富穴金三品哀哉轉瞬閒蓬蒿滿邱寢不如大雅士今古齊斂衽獲報在百季聲名最豐稔此幘文水臨玉躔裘帶錦梯榮慕覩者見之口語際良玉火不燬高松雪獨凜俗兒紛鼠雀只合耗餘廩那知天地濶遼遼一



夢枕酌酒白石翁舉觥我乃飲

右沈像

二闕二神道先王而後沈

交阯都尉沈君

洪相遞編次攜拾感餘瀋成都

道涂遠摺載難尤甚連夕洒殘多今晨喜鵲諭招要看蜀碑嶄

然溘人侵蟬聯十五字九字尚可審

滋故亮州刺史雅陽令

蜀山萬里秀筆

法一行稟孤墳二千季流光動驚淦雉雉遶三匝大錢受一品

一縣一循吏百姓帖安寢烏虓王稚子幾人能接在天子樊墜

書田禾樂大稔邳都甯成輩那得蕭製錦請觀石闕文陽和散

寒噤闕頭刻車馬生氣鎮凜凜庶不負茂才而以糜祿廩賤子

癖金石詫爲鴻寶枕銀蟾上窗閣梅花伴碑飲

右石闕

十二月十九日東坡先生生日覃溪招集同人寘酒蘇

齋宋生盡李委江上吹笛圖顯其卷上得飛字

元豐五季公生日吹笛寘酒赤壁磯風蕭蕭兮歲云莫江滔滔

邪人未歸眼甫作達偶一咲醉後驚心定桑秋及今六百九十

載拜公遺像開書幃或像雨中雙屐子

此石刻畫其昌有跋

或像梅花春物

菲

陳洪綬撰本

異由相感動魂魄哀公常瘞願公肥舒直李定何大正

此輩何苦爲詬譏南荒再到有謝表東市幾令斬朝衣想當弧  
矢射天地生值堯舜居宮闈不信六十六季內半纏徽纒半銀  
緋男兒墮地要有命蹇人上天非可祈黃州三見作寒倉萬里  
中原天一圍郭古不必知名士李委求詩願不違請看波浪扁  
舟穩儻欲歸虞鶴共飛

除夕甫二日蒙

分賜瑣瑣蒲萄紀事有作

蒲萄異種萬星攢

分賜蓬萊禁近官榛栗賤他鄰里擊妻怒

驚捧歲朝盤六季書庫燃藜映一段鄉心爆竹殘直爲

君恩無報稱天涯去住總然難

新季四日謝 賜石榴福橘

敕賜如拳安石榴配來霜橘洞庭秋當季童子懷中見往事神  
仙字迹畱北斗天將承百子南方地氣貢千頭小臣戰栗酬  
明主艸木箋成細校讎

倪奉常屬題尊人給練 國璉 畫七芳圖

七芳之圖五有華梅蘭荷與水仙菊二芳蕪花作花比一樹老  
松二竿竹奉常猶記童子時燈火書郎出家塾老人胡牀擅清  
興沒骨折枝寫意足畫裏無言最有心得那有一種凡艸木巾箱  
肩鏹起榮光家訓森嚴勝珠玉當季

憲廟新官制言有觀風與整俗吾家族父叨同官 諱鳴 銜 繡衣持

斧郊圻肅公俄騎箕棄人屯吏民犇走為位哭四十季來祕遺  
迹白陽文長作奴僕主爵原非畫苑人帶經自入名臣錄一花

一葉在天地浮紙餘香細於粟

顛溼安仙集留顛拓本

烏乎溼安豈有仙妖孽梁氏垂腥涎墳頭大鳥飛已去尸諫史  
魚語可憐白日傾稷天地否赤運摧隳桓靈連其時或有隱君  
子欷歔握手山厓邊改元四月十八日大書淡刻會洞天洞天  
居人輕富貴洗耳有水非狂顛法真曰吾既不能遜形  
遠世豈欲洗耳之水哉不名不姓萬萬  
古我春我秋千千季後人傳會作仙筆俯仰滄海爲桑田先君  
未到蓬萊去王母何曾五嶽傳五嶽真  
形圖也未葉兒孫九難道時衰政  
亂壽不全仙人在世不在世摩挲翠墨心悃悃白石神君隨後  
出巫啼鬼嘯盈荒阡

上鐙夜同錢慈伯檢討飲金梭亭博士寓齋同步至觀  
音庵兒姪輩亦來觀鐙有作

春風一夕滿天街，  
鏡況如揩看燒火判，  
字老夫隨處總開懷。

十七夜葑亭點燈會飲得鈞字

摸釘禿病昨朝頻

京師風俗摸釘禿百病皆以十六夜或謂元夕者非也

料理辛盤已過辛粉荔

堆邊酬白髮紙鳶影裏感青春，  
故人鬪韻顛詩儂興嬾輸君筆力掣千鈞。

二月六日 經筵侍班恭紀

吉日 經筵特舉行春風講殿有書聲，  
工夫到治平

是日進講大學此之謂絮矩之道一句易經乾始能以美利利天下不言所利二句

御香清

小臣尚憶兒童景塾課，  
螭頭相對

小臣

尚憶兒童景塾課

燈光在短檠

奉 敕和進

御製春仲經筵元韻

經筵二月初諏吉闈闈殊榮接履裾  
香案春風餘漬墨朱簾

微雪映繙書

乘乾出治高黃屋

絜矩爲心曷燕居百物四時

天運廣無言尼聖亦稱子

奉 敕和進

御製經筵畢文淵閣賜茶作元韻

金泥高榜 文淵閣 臨幸今朝步輦移水綠當橋與瓦似閣

用綠琉璃瓦茗香在椀度松遲

義文持在季彌壽 蓬殿傳經道不私黽勉汗青勝蕝事諸臣

相誠莫愆期

范文正公祠

舊作

小范祠堂綽楔崇

大范謂雍小范謂公裏人之語也

入門粟主拜當中風雲千古思

窮塞憂樂中間箸此公異父劇憐兄弟在合家能贍子孫同季  
季花發天平路印石摩挲鶴澗東

月夜偶憶虎邱程氏園亭

來朝十五古花朝今夜姮娥一倍嬌粉院樓臺誰上鎖銀河在  
界好吹簫鐙紅冉冉牆頭洒水淺淙淙竹裏橋來鶴亭邊釵釧  
影廿季生死總魂銷

園中新葺直廬

直廬襍被十三季新拓軒窗景靜便故相灰釘爭入地

劉文正于文襄請公

閒庭樹木已參天

子手種小樹今五六圍矣

白頭攬鏡明於雪芳艸依牆綠似

煙蚤約同官來晚話松風鶴夢了青緣

蕪根菠菜開花歌

貧家三月會菠菜葉大莖粗過蓬蒿兒童摘菜截其根根老中  
空灌以水采絲倒挂窗戶閒葉葉昂首東風裏一般綠靚尚開  
花無數歲蕤猶結子老夫對之爲感慨植物貪生亦惡死苟非  
蕉萃委塵沙終望扶持保精髓一寸根苗天地心三春長養乾  
坤理詩成放筆蹋郊郭浩浩千紅與萬紫

打鐘埽地圖歌爲心餘賦

鼉鼉挂月山松裏蝙蝠出樓老僧起山崩山後誰曉行闇不見  
寺聽平鐘聲鐘聲趁人十里遠恰露山頭紅日明打鐘過後勤  
埽地樹葉霏霏下空翠水流花開天地晴一僧之外百鳥鳴若  
逢風雨關門坐有送齋糧出屋迎先生閱世哀樂多不爲居士  
爲頭陀七斤衫布椎山竈一个風旛尋鳥窠破竈尋窠人漫猜



我與先生歸去來

溼壓勝祕戲錢歌

潘郎爲多藏壓勝錢龜蛇龍馬文鉤連或作天師杖神劍或作  
元帝騎星躔天地支干輪郭滿公侯富貴冑好穿內中一種更  
奇絕刻畫祕戲如蟲卷兒女歡情原最短此錢頗閱千百季金  
鏡瓦棺重出世並頭交頸故依然滌源九府嗣三品卅人厲禁  
守金鉛歷山之銅莊山鐵禹湯文武功惠延裕民衣會導禮義  
樂而不淫心貞堅此錢圖鑄豈溼代方士祕術詭聖賢欲徇人  
倫庇終始反託鬼魅爲因緣撒帳詫宜子孫兆定情薄視國風  
篇造物薪炭有如此家人風火亦可憐蕩心那守洪爐燄榆莢  
恐飄三月煙顏生崇拓本裴成軸新詩要我顛雲牋董道洪遵  
今不作誰以古泉一例傳

橋亭卜卦研歌

朱鳥囑冬青花忠臣國破俱無家玉帶橋亭兩片石獨留寶氣  
爭龍蛇一從信州陷賣卜建陽市爲人卜吉凶應自卜生死六  
十四卦生死位一十三卦君臣理謝氏易說以十三卦取象卷簾摩墨對東風  
淚痕滴作研池水一朝徵迫自南來采石風濤四面開未似屈  
原身後恨拌同龔勝眼角灰故人贈以米一溢藥一罇對客擲  
地吾命徂心頭藥米無容處曲鬱中蟠趙氏孤吁嗟虞文山疊  
山魂魄在石尚可摩心不改千秋異調作知音張宏範與程文

海研有文海韻略

杜文貞公遺像

天寶詩人杜夫子結喉長頸瘦於柴帚居風雅君臣重離亂心  
情在俗乖生不公卿持木柄老無衣會葬麻鞋首陽山下古墳

古分與夷齊一樣埋

午日觀錢秀才畫鍾馗嫁妹圖

終葵女弟亦媼娥料理香奩埽黛螺小說煙花顯畫好崑陽風  
景辟邪多死生兄妹零丁帖神鬼婚姻吉莫難此是彭咸遺則  
恨媒勞恩甚欲如何

蘭垞乞假以詩送行

聞君乞假理歸舟令我崑居感白頭出處半生如夢過升沈同  
輩幾人畱天涯女子看摩鏡江上東風正倚樓菱角蕩絲蓴葉  
似婿鄉遙認百花洲

蘭垞與福筮有吳中相見之約

五月食蟹

五月原非食蟹時津門沙湧有人知風波宵冥乍出穴螯跪縱  
橫未守雌一斲粗填湯火債三秋遲鑿稻梁期老夫惻惻不下

箸偶對盤飧動所思

養鵝行

吁嗟乎置爾重淵爾不潛置爾高天爾不飛瘳瘳幸避蟲蟻蝕  
束縛卻受兒童譏森森骨鯁忠義在落落枯肆風光非人閒魴  
鯉達自悞世外仙人尚未歸吁嗟乎勺藥春闈詠別離街頭空  
擔惜芳菲禽魚變化原難定獨立蒼茫看落暉

芟艸

有意除蕭艾何心受雨風好花開研北亂艸削牆東惡物無滋  
蔓皇天本至公卻舉蘭茝恨猶遲去長上芳叢

看雲

長夏何消遣扶藜喜看雲一峰多突兀蒼狗致殷勤涼雨竹根  
墮扁舟荷葉分滄江此時節應念舊同羣

送茶

街南錢檢討

在

送我火膏茶入蜜  
啗如酪成團  
咲似瓜

今普洱茶猶爲圓團

當治府人大小龍鳳團之製

略看新水沸  
方信古人差  
結夏招良友  
清言綴齒牙

寄碑

孔氏玉虹樓樓如虹  
月舟古人已千載  
妙迹必雙鉤  
蟬翼貽新本  
韭花致遠郵  
晴窗看絲髮  
松露曉風稠

聽鼃

積水屋南角  
鼃繁知雨淫  
夜鐙何闐闐  
夏木轉森森  
科斗不成字  
蛟鼃豈久吟  
方悲此物賤  
聊感寂寥心

自題風雨對牀圖二首

白頭兄弟久離居  
萬里孤鴻欠一書  
今日艸堂松竹盡  
雨聲那得昔季如

圖畫重看廿一季何季復此對牀  
暝范家祖研姜家被同裏遺  
書一惘然

閏五月五日程魚門校理招同翁覃溪洗馬蔣心餘吳穀人編修曹習庵中允吳竹橋禮部小集三長物齋得重字

艾葉榴花一再穠今季令節未踈慵  
風雲猶自江頭壯繪綵應看福履重  
興到竹林如野客比來梅雨亂晴春  
晚涼又赴同季會缸面誰家處處醜

王對亭禮部亦有今日之會

蜥蜴食蠅行

東南日出窗有光青蠅撒豆飛中央  
寶劔千金驅不去白璧無瑕要自藏  
瞥有一物升於牆跂跂脉脉四足長  
沿緣頗知人所惡饑饒必捉蠅爲糧  
烏乎蜥蜴亦小蟲擿奸發伏如英雄  
屯間

快意果如此卷幔涼風修竹中

月出東牆行

月出東牆竈百个醉中風露空庭臥文章不能爲世驚貧賤未必令我餓爛黃杏子梅同熟長腳水蚊驚樣大中季不得到江湖日出街頭踏塵堞

石鼓研歌

上海顧從義摹刻

我才小於韓與蘇我詩合顯小石鼓十鼓縮臨鼓研一高盈三寸徑餘五墨積凹兮受如白雲成腴兮斲以斧舍人入直文華殿模刻此文奉內府

從義在嘉靖中以書畫入直文華殿授中書舍人此研有內府之寶小印當是直文華時所模也

不知何

歲落人閒金填檀裏比爾祖在廟臨御卅五載正人菹醢紛燕

數黃冠道士作三公

邵元節陶仲文

白髮夔龍忝首輔相嵩顧生捧研應涕

洩斯道將衰墜文武避車旣工避馬同何人將帥能負弩佳鱗

佳鯉貫楊柳竭澤而漁無樂土鼓文肯作諫書看國事豈無衮  
衣補只今古字証岐陽何必逸詩感尼父涼花裊裊北窗下手  
與摩挲溜秋雨

趙子固落水蘭亭卷歌

流水修竹山陰春五字未損肥本真裕陵作鬼不肯舍何況古  
今世上人此卷初以白石著嗣後又遇彝齋珍重陽節過菊與  
酒江上客歸風送雲雲起風高壓船側王孫性命輕右軍腳踏  
鯨魚立水圓手捧字卷招碑魂投宿山寺焙微火與觀蕭耶洗  
語昔辰古鈔破費半萬券神物歷遭億劫塵多謝北平翁洗馬  
晴窗響榻寫煤痕單溪有響榻本

論定武蘭亭十二絕句

寫過蘭亭後兩季誓詞墳墓告尊先此君人品原高絕故與書



名蓋屯傳

非將退筆誇能事那肯簪花媚眾人不襲建安鍾傅體化方去

扁妙無倫

趙集賢謂蘭亭用退筆非也是收盡鋒鉞不肯一露何曾是退筆耶

扁法螺旋祖隸書蘭亭踈秀鶴身如修蛇不與蝦蟇似後代諸

賢半墨豬

東坡謂魯直書似蛇挂樹梢魯直謂東坡書似石壓蝦蟇

昭陵繭紙奈鐙紅裕陵祖石金蠶空二陵風雨無人夜猶在永

和春色中

李唐趙宋富籤廚下暨中朝士大夫二十八行八千桺江山多

少換來無

謂買似道也

道昇山下亦驚魂舵折檣摧天地昏風雪安閒姜白石也能託

付到王孫

銅漏曾經易滿師獨孤亢爽東屏癡蘭亭大有僧緣分缸面人

教最吃虧

字取肥者王順伯字取瘦者九延之卻咲模稜黃魯直取它環  
燕適中時

有肥無瘦重祖石議禮諸公論半非看到後來馮承素與褚良始  
知能瘦不能肥定武刻無弗肥者取瘦者謬論也

半生及見五定武落水本直齋本東屏本程孟陽本最淡墨本而濃墨本不與焉同是尹邢絕代姿獨賞

人閒直齋本何由網得到西施

皴月娟娟殘未殘香微色淡似春蘭誰家濃墨重裝本破費庭

珪黍一丸定武刻無弗用淡墨者近見一濃墨本心尚疑之

古帖要看古刻手奏刀艱澀不分明山陰妙迹如無恙今日重  
刊亦未精

竹葉庵文集卷十七

竹葉庵文集卷十八

詩十八

吳縣 張塤 商言

祕閣集三

辛丑六月迄十二月

送燕二首

衰卵初成去翮飛各可憐攜雛有今日將母是何季辛苦遺空  
壘呢喃語別緣卷簾猶待汝眼爲故情穿  
相宅防蛇鼠銜泥雜菅茅有情生長地無事太平巢未戀居停  
主真成淡泊交與君論王謝花柳夕陽梢

雨中錢籜石侍郎送畫二首

水仙小幀

王孫水墨雙鉤後雨葉煙苗又寫生莫道近賢容易得此花開  
要百千春

侍郎三絕詩書畫詩有風光畫有神行近水仙祠下路秀州煙

雨絕無鄰

與郎洩絕詞三首

與郎洩絕隴西頭仰射雙飛一咲休儂似天山郎似箭郎將三箭爲儂留

與郎洩絕隴頭西唱到陽關絕命嗚白髮可無吹火婢青春誰是畫倉妻

洩絕與郎恨滿胷山頭竇帳錦芙蓉不如裁作妃央被也道兒家親手縫

積雨偶書數句無甚佳思與錢秀才遣悶

積雨心如碎絲絲日夜繁不能凭水閣但看漫牆根瓜菜防應爛溝流總急奔路閒泥滑滑窗闌客昏昏酒益人閒溼茶知井脈渾蝸升涎有篆螢死火無痕頗恐牀頭塌寧遮屋漏喧衣裊

湔未曝書盡暈難緝醬過黃梅熟

吳中有梅醬也

香憎白芷燔錢郎有好

句扞悶與君論

睡起風雨雜還已有秋意

睡意昏昏雨意長  
腹搖鼻息最風涼  
一窗水鶴荷花夢  
午飯鹽魚豆豉香  
子弟要能操稼穡  
江湖何必恃文章  
老夫未有攢眉處  
只感秋心一斷腸

大雨戲示同直周希甫舍人

賣豚賣菜雨中休  
官裏官人官事稠  
豕樣涉波浮似鴨  
驪皆化鐵老於牛  
只應蕩蕩通千畝  
可惜瓜田爛一邱  
寄語周郎清興劇  
塌牆合近酒家樓

君寓牆多倒故云

雨中夜直

夜直耽清燕  
燈光禁閣重  
風飄太液水  
雨動景陽鐘  
地敞天

無暑人間夢亦慵  
鷺鷥侵曉出立上萬年松

憂雨已極忽見新月

三旬積雨久雲龜  
候得蟾光今夜來  
新月好同圓月好  
蚤花開到晚花開  
青靄紫蚓各出穴  
白米紅鹽自遺懷  
但喜老晴低滂  
退仰看天宇一裴回

老晴方言也

舍姪靜之學詩示以絕句二首

卅季癡叔耽風雅  
窮不能工黯自傷  
不欲家風傳汝輩  
故應奪卻紫羅囊

心餘貧病魚門老  
眼下詩人大可知  
官職聲名俱入手  
莫教錯會樂天詩

廣州同季甄青圃舍人送黃皮果謂能消食戲爲詠之  
同季相送黃皮果方物東南出海疆  
略下鹽如橄欖脯漫誇蜜

漬荔支香未能野葛銜三寸頗望胡麻飽一場何用又添消導  
法神仙不學學休糧

重修觀音院雨阻未出今日晚晴與錢云峰秀才三姪  
九兒同游畱題院壁贈道忠上人十韻

晚晴天气嫩涼乘隣巷泥涂著屐勝且上陽坡同看水不妨小  
院又尋僧琉璃宿火光明在龍象諸天采繪增爲語結茅成老  
計未誇托鉢有粗能廿季我已離家久雙翼時緣對鏡憎盡眉  
香鑪慙老輩艸堂松竹憶良朋茫然荷蕙猶無分負此溪山亦  
不應居士未完塵界夢勞人羞拜佛肯鐙遼天白鷺孤雲去斜  
日秋蟲晚氣膺它日擬攜蔬筍至井闌石檻可重凭

七夕雨霽秋花盈院感靈妃之易別爲蹇修而莫從奉  
以香鐙薦以明水下土蟣蝨之臣不能無詩以頌之云

七襄灑淚古天孫河鼓沈沈易斷魂  
雨浥好花秋珮影風吹靈鵲曉  
衣痕星榆何處垂仙帳銀漢猶  
然阻帝闈天姥日兄能愛惜不  
教惜別到黃昏

顯周

克開

觀察聽松圖卷子

八百里圍嶽麓山卅六灣  
哀湘江水中有烈婦如天人  
崇禎末

季仗節死

周世遜之妻馬氏流賊寇襄沙殉節觀察之高祖母也

子孫瓜瓞日以昌  
富貴科名報其

美長沙城外聽松園周家老宅  
宅於此園中不種凡艸木只種  
長松接天咫尺地千盤有茯苓  
樛枝萬竅無蟲蟻以閱風霜比  
古人要令節操如先妣觀察少  
歲猶書郎讀書園莊松樹裏短  
檠數燄夜窗開孤鶴一聲山月  
起只今名宦天涯遠回憶兒童  
風景似披圖莫漫感刁騷松爪  
松鱗卽桑梓

吳朱竹君學士三首



使節纔回閩海濱，高齋消暑語良辰。  
一窗綠樹圍書卷，今日黃壚又劫塵。  
酒會飄零諸舊伴，秋懷稠疊此孤身。  
期期之日復復，腹只爾憐才弟一人。

未必真同梁木摧，斯文小器亦堪哀。  
不妨丞相遭蟻螫，何限諸生傍斗魁。  
唐韻四聲傳絕學，濫經三體媿通才。  
父書能讀諸郎在，莫使遺編付艸萊。

凶耗傳來一倍驚，驚疑天道未分明。  
敬通有累餘家室，靈運相思只弟兄。  
月旒書銘尚學士，青山送葬老門生。  
謂魚門而今老輩無人哭，拌與先生淚盡傾。

陳上舍以綱哀詩

一燼孤餘箸述身，又聞旅死劇酸辛。  
天多富貴諸季少，爾最古今薄命人。  
墳上桂枝猶未茁，唐人詩直教桂子落墳上，長得一枝恨始消。江邊茅屋鎮長貧。

何時骸骨扁舟返蝦菜妻兒作祭辰

中元荷葉鐙歌

亭亭翠蓋三尺長兒童日落街頭忙今朝識是中元節手弄蓮  
葉搖鐙光一燄兩燄狂孤蒂十步五步餘寒芒蠟淚欲迸西風  
走荷露先枯北斗涼熒熒熠熠度屋角中有鬼氣相翱翔以火  
種蓮星月下無花結實長季芳嗟予頗涉生死感每逢佳景爲  
斷腸美人分手化異物當時秀項垂明璫爾似葉中紅菡萏菡  
萏不開葉亦黃拗絲豈織葡萄錦託根已爛芙蓉裳吹雨和風  
打敗瀉聚火成燐出古牆地官若校蕭惡籍玉女何罹短折殃  
此鐙願作熒臺約供養幽輝普十方

驪驤將軍印歌爲桂未谷學官作

溼隸頤碑多假借溼篆頤印殊審詳予見官印三五百未見字

訛白下羊六朝六書書體壞隨意波磔尤荒唐得聲粗不辨子

母俗書最喜加徧旁拓跋享祚略長久諸碑傳世禍未央運河

新出高湛

字子澄勃海滌人

志此人官職顯驪驤凡將之篇千古祕渥洼

有種八尺長不信龍馬竟合并遂令斯籀皆徬徨未谷寄示古

印一涂金龜紐將軍章龍驤故城龍驤印此物乃得於洛陽驚

喜屬之王鎮惡虎牢關下荒艸荒云煙無恙到君手英雄已沒

愁人腸我謂此亦莫須有文人好事口舌彊不如頤作子澄印

墓銘猶在山頭岡死人爭墩大可咲死人爭印亦不妨何季訪

兩鱸堂地苜蓿梓邊金薤香

宋文丞相遺像二十韻

有天啟元年五月周忠介公頌名

要待先生死乃成趙宋終厓山烽火盡柴市血光通畱此丹青

像驚爲鐵石忠秀眉與長目丞相領元戎朱鳥魂千古冬青樹

一叢弟降兄可殉母没子真竊壇廟銅人劫河山羽扇風策增  
賈傳痛詩比杜陵工記得逃閩嶠何曾復汴宮渡船瓜步遠行  
殿荔支紅孔孟傳遺訓微箕別一衷字藏衣帶密心共獄樓空  
吏部長洲秀名臣異代同如椽顛彩筆憂國訴蒼穹想爾雙垂  
淚焚香一拜公貂璫覆社稷菹醢送英雄北寺三更夜西臺落  
日中龍歸潭水底

信國廟身相傳爲其里  
中冷水潭之黑龍也

鶴化海天東父老千秋感祠

堂兩地崇平時翻汗竹今日薦霜菘

錢慈伯檢討護其太夫人之柩歸秀水夜夢慈伯過訪  
予曰君纔南去無數日豈得僂來寧非夢耶慈伯曰泊  
舟未行故訪君非夢也已而夢醒則果夢也惆悵不已  
以詩寄之

故人相送隔江潯千里孤舟一寸心斷夢遠於秋水外涼風吹

到菊花浣麻衣辛苦遲朝膳月旒飛揚急暮砧是我南季南去  
路爲君涕淚一淫淫

子以丁酉奉母柩歸蘇州

周載軒編修送菊花

多君選菊向西郊分我秋光到屋茅  
僂與鄰家爭酒會要先霜  
信護花巢芳菲歷幔明  
鐙照老嬾頰詩敗筆鈔  
軋軋街頭甜井  
遠課僮忙爲主人嘲

井水甜者謂甜井京師方言也

孫敬軒編修同季有愛女之戚詩以唁之

明珠在掌未迢遙墜入重泉永寂寥  
贏得阿翁雙淚落哀來好  
女一煙消秦臺彩化誰家鳳  
孫帳磯沈故國臬莫遣堂前暝  
會損左芬遺恨不勝嬌

溪州銅柱記歌

誰家銅柱連天起馬援馬總馬希範  
信史猶存五代餘古迹獨

悲漢唐滅五溪水毒濫淫淫西接牂牁南桂林州中刺史作不  
靖天策開府并生擒文昭此時襲介弟梯衝能洗諸荒裔蠻花  
四映楚王旗牛酒一設彭郎誓明朝鑑鞠荆山銅半月鑄造山  
頭紅柱五千斤丈二尺石蓮花楯圍當中學士翩翩十八人誰  
人書記妙無倫八龍繞殿銘功德萬馬同槽識子孫子孫殞絕  
將如何連枝花萼有干戈不如鑄作金人象涕淚還能一倍多  
此柱茫茫暗昏紫落日蒼梧只如此一條白練伏波孫才人亦  
說李臬死

吳仲圭畫竹行

幽人園中幽事多忽感季華若飛隼畫題五月十三日畫新竹  
已成抽晚筍風中山徑落黃梅雨裏書堂出蚯蚓神妙寫此青  
玉姿元氣不受天地窘竹在人心人似竹畫雖易畫竹不盡何

時真臥滄江頭釣魚掘筍無一愁

小集龔令木夫同季寓齋分韻得槐字

乙酉同季南與北白頭難寫風雨懷喜借詩篇作會合辟諸二  
鳥鳴和諧龔九老筆老突兀名姓往往傳江淮田八百畝苦歲  
稔季五十人來計偕不用一錢插魚籩猶有斗米燒松柴何爲  
熟官不嫌熟又必佳句謀其佳可憐半世不相遇今日縞紵長  
安街連醉三日僮僕熟小聚一屋星辰排酒痕離別衣上淚官  
人魂夢山中鞅平生去就蒼茫感新月半輪生古槐

倪文正公四十小像

會波臣鮮爾能寫此天地之正人報國憂時在顏色河清一咲  
非其辰時輩花爲齷面月涂脣不異蟲蟻細族爭陽春先生行  
季纔四十老與寒松孤鶴隣書院未復要典在躊躇何語排天

閩吁嗟孽不幸奄孽未鏹楊維垣不幸奸相接踵温體仁生爲  
朝廷籌大計死對妻妾捐私恩存仁取義孤忠在風雨衣雲薦  
白蘋

公築衣雲閣於山陰

移居爛麪衲衲同人各有賀詩依韻奉答並無倫次四  
首

枯木寒巖與結鄰總然無著共天親冰霜頗趁流季速雞犬能  
安舊日貧立盡後園多晚景數來飛鳥似歸人明知學道無三  
宿又積巢痕一段新

右答翁覃溪洗馬

君舊南鄰我北鄰五季風月鎮相親高門行馬時來貴小婢驚  
鴻嫁後貧辛苦詩篇度酒丁香花朵可憐人白頭欲擬登樓  
賦變幻雲煙些子新

右答陳伯恭編修

結屋空園老樹角枕經扉史轉紛然那能事事酬忠孝要以心



心對聖賢半在信天爲估計此間埽地卽肯緣期君莫限城門  
鎖坐我香爐藥白邊

右答馮魚山編修

杜甫乾坤此艸亭只須除埽不須局春光富貴生朝日秋水文章  
淡夜星遲我移家煩盡稟呼兒摩墨寫詩屏何季臨頓開荒  
徑不羨誰家旋馬廳

右答程魚門編修

謝 賜鮮果

十月廿八日

水驛修新貢書窗拜 異恩物分尚方監香度紫微垣餐得乾  
坤秀箋來艸木繁小人請學圃歌詠到邱園

又蒙

賜哈密瓜

十一月十四日

聖人覃被遠佳果苗流沙瓜爬絲長運天山共一家玉門通瀼  
縣 金殿接星查赭帕承 恩賜藜光一道斜

固原新樂府七章

有序

竹譜文集卷八  
公爲固原州吏目十季量移迪化去固原人思之故采其風謠  
撰固原新樂府七章以代行狀公位卑祿薄死玉門之外不享  
遐壽此人生最苦痛者然以廉自矢爲循吏無一玷缺雖予以  
兄弟之親言之無溢美之辭後有輜軒可備甄錄旣移迪化之  
後少往來之人不能知其政迹俟續采以爲後樂府公姓張氏  
諱傳心長洲人

張打邪 公禱雨打馬甲人以此呼公也

童男童女執柳枝城內城外禱雨時中一丈夫跳踉出非人非  
鬼來神祠神祠布刀劍自鑿其顛敗其面鐵繩火燒長一丈盤  
負要背萬人見男女爭呼馬甲來神天歡喜雨腳催天晴此人  
亦不死倉以糜鬻無它災無馬甲雨不靈禁馬甲民不聽忽有  
罪囚破枷羗人傳馬甲到街口柳枝搖搖在甬後血流涓涓刀

刺手公怒縛之鞭四十囚醒嗒然當街立有馬甲亦雨無馬甲亦雨爲民請命致滂沱倒灌天河擊雷鼓君不見張打邪打邪人不諱不打百姓打馬甲不打馬甲打邪法四野青青秧盡插

破毒碑 公除腳匱人以此題碑也

捉官車捉官驢官役鬪人向路隅一驢南一驢北牽驢入城出不得一車去一車來無錢不放空車回此毒流傳官與吏名目私題曰腳匱捉來指說應官差那道邨窮賣車騎夕陽西下有歸人四角忽然生兩輪輪住驢鳴驢不走官役徵錢不放手若不徵爾錢爾不騎驢只騎狗若不徵爾錢除爾卷車只載柳公曰腳匱若不除我尸此官何爲乎我頭可斷皮可爛要與腳匱爭區區判筆自撰申文稟申之府申之道申之司院院曰好百姓入山伐大石刻公姓名題碑額其額書曰破毒碑此毒能破

人民思鄭僑溱洧眾人母政體何如公不虧

固原兵 懲兵以衛民也

固原兵固原九邊舊有名兵疆而悍諳臨陣竇公會佩將軍印

州人賈某以率伍起家爲提督

時清兵閒街頭坐虐我細民則不可公曰籍兵須武

官官不籍兵民不安我薄武官爲武夫武夫縱兵兵難圖我與武官締兄弟兄弟兵民聯一體昨有營馬踏人田吃盡禾苗大可憐又有營兵入市罵賤買乾鮮不依價兵民叫梟常不已許訟季季慣如此公乃朝鞭一兵武官唯唯兵靜聽公又暮鞭一兵武官鄉公無怨聲營中舉酒遙相祝作事莫媼張吏目吏目於兵何所讎吏目於民何所求要使兵民安樂好締交武官不

足道

閻氏女 完人節也

閻氏女嫁與翟氏兒花枝招搖洞房會噉然一哭何傷悲公爲  
賀客觀花燭心動夏衣聽其哭卽呼官吏問官媒此女要揆蹤  
跡來珍珠量向誰家井蛺蝶飛來那一臺媒言閻氏女本是馬  
三婦秋胡金多不可卻餅師人賤難相守公詰翟氏兒爾今無  
義奪人妻聘錢爲罰緩爾應無分作雙栖便將花燭送新人金  
犢車還綠苧邨從今寶鏡仍圓夜一對死央白首親

趙秀才 雪人冤也

趙秀才種花讀書艸堂開艸堂安置長生位花盃香清酒一杯  
問爾何以置此位位中乃顯張公字秀才聞言卽墮淚張公倅  
此州堂下鞠盜囚此盜何人冤不小小生卽是青衿趙堂上張  
公獨了了陳平便有婦翁疑曾參詎無慈母曉張公呼秀才此  
爲無妄災斷爾微纒破爾校爾便讀書歸去來趙秀才言之墮

淚不肯休不畏五刑備體三木囊頭獨畏秀才以盜死國家養士學校羞秀才歸人選報報市中獲真盜

僧帽 懲異服也

僧帽僧帽二尺長青絲作段蠶吐光此僧炫麗入城市自詫新樣毘盧妝會公此日騎馬出豫識此僧定淫佚佛門本自有威儀喬裝亦最關心術呼僧來叱其異裂僧帽擲之地公曰爾今莫我瞋我非辱爾方外人爾家祖師有教導天寒不戴律門帽何爲爾冠冠峩峩非金剛兮非優婆七襄衣被在天地爾帽何勞機女梭噫吁嘻僧於萬物本贅瘤公於異端多心憂何況服妖僧怪不可畱聞說此僧竟斂迹不上酒樓與妓樓

別固原 紀去思也

別固原固原城西最斷魂城西芳艸萋萋長不是淚痕卽酒痕

淚以哭公去酒以餞公行公亦揮淚亦飲酒長亭短亭皆哭聲

是季

乾隆四  
十一季

三月十五日男男婦婦鎖門出邨酒不值錢願公竟

醉與無錢買魚肉棗栗亦新鮮尚恐千人萬人淚多於香醞如  
流泉七十里宿瓦亭州官譙別斟銀瓶銀瓶金杯水陸有公曰  
不如百姓酒又五十里到隆德萬里之行公歎息勸爾百姓還  
母以我爲憶願爾百姓爲良民孝弟耕田自愛身不信眼肯皆  
赤子何人拷掠一沾巾

廸化新樂府一章

并序

公移廸化無二季其地皆遺發新疆之囚少居民無訟斬其設  
施公歿之明年州官死於法公不受錢無所嬰及先是公爲固  
原移署某縣丞給丞印收捐監生公怒王賈望折銀冒賑必敗  
辭不就公去固原而禍發然則公不悖法非忠者乎不愛錢非

廉者乎不及禍非知者乎此一篇與固原樂府非一時所作今編詩類及之要以知公政迹大體所狂焉

不出結 廉以免禍也

不出結倉中無米出不得結不出壯哉鼠雀大於賊州官來送錢倉例三百千公兼倉大使但出印結高枕暝公曰我非印官官自有印印押安倉空如洗要我出結要官米州官搖頭不愛自愁此人疆項有錢難求搖頭而去莫尋釁從此州倉出州印公喜閉戶心太平幕客責讓時有聲公已醉臥付不聞明季州官虧空去死西市被髮腳不履公僂無錢遲歸葬有錢籍沒禍妻子此州官亦有名旗下人曰德平

坳蔣士銓詩

龍神不聽風雷使卻聽馬甲作行止秦人未知繁露法手布



甘霖憑馬甲馬甲本是無賴人吞刀吐火作龍神妖由人興  
事竟有風伯雨師歸一身州囚脫械來行雨公猝禽之加箠  
楚咲縛乖龍四十鞭龍神逃竄囚無語官乃登壇獻致詞真  
龍滿天雨淋漓邪不勝正馬甲散官能打邪百姓歎君不見  
西門沈巫河伯鰥吏目乃是打邪官

張打邪懲妖巫也

赭衣囚首蹲階下劇盜誰何秀才也秀才手無縛雞力身無  
破空翻頭髮髻三寸鼻涕長一尺焉能爲盜拒伍伯徧體銀  
鏹餘骨立妻來囊夫餽子來牽耶友人鬼關門但一紙死生  
呼吸微乎微倅州者誰張傳心目光炯炯秦鏡臨秀才無罪  
解縲綬縱囚歸理書與琴明日街頭縛真盜秀才痛哭千人  
咲可憐覆盆之下豈無人焉得陽烏同一照

趙秀才平冤獄也

然香提讐城西路男婦如雲共奔赴固原亦是古陽關官去

官來誰與顧萬人萬手攀張公請官飲我琉璃鍾官民本自  
不相識往往官民比仇敵惟官說去民哀哀似與官人有親  
戚半杯眼淚半杯酒眼淚雖酸酒醇厚此生未必再逢官願  
飲此杯增福壽瓦亭公宴來催促官民依依同一哭吁嗟乎  
君不見狄道州中楊典史官是耶孃民是子骨肉之親當遠  
離爭得將愁變歡喜

別固原紀去思也

### 賀魚門六十四歲生子二首

先生眉壽壽眉長要腳勝酬賀客忙玉女如花能結果仙人有  
海欲栽桑祖宗主鬯緣陰德父子傳經具宿世六十季胤公四  
歲一盤棗栗坐書堂

湯餅同人會綺筵玉芽珠顆蚤風角福於長者非常福天豈茫  
然益信天八十衰孫猶未晚尋常課子亦應賢賀詩顯徧中朝

士瑞雪芳梅好歲年

心餘以其令孫所藏畫蘭卷乞頌二首

官菜園街拜母時而今萱艸兩家萎看兄瓜瓞蘭孫長想母銜  
缸課子悲

展卷雙鉤九畹長兩峰羅聘妙筆寫三湘兒郎莫種閒桃李種得

花成是國香

雪中雙鷹

園裏雙鷹立雪中驚飛一一入高穹文章太素千林豔天地窮  
冬此物雄健覺雲霄非我匹老因衣食盼季豐餅香三白今朝  
慶燕雀多糧運亦同

鐘聲

萬物迕相觸吾生苦有情移居無半里猶聽此鐘聲

十二月十四日葑亭齋中看牡丹作

餅金一樹此瓊瑰  
眞个蓮花火裏栽  
誇與江南邨父老  
牡丹十二月中開

東坡先生生日覃溪招同人寘酒蘇齋贈拜遺像斜川集有大人生日詩當是在儋州所作用其韻賦詩五首名德何如紀與羣睂山父子太邱陳琅琅好句能稱壽咄咄小坡殊畏人青艸瘴連黨錮累月砂牀臥老仙貧投荒萬里君門別喜得佳兒傍此身

上作星官天上仙  
下爲河瀆地中傳  
三逢臘月看遺像  
再拜蘇齋展宿緣  
詩老如公誇有壽  
江神聽爾訴無田  
常州城外桃符換  
瞥眼冰霜六百季

華嚴文字起微纖  
小雅詩篇畏詬讒  
十畝枕榔風雨暗  
大波蛟

鯁齒牙銛先生養氣存其節

見孝宗御製序

君子知終吉在謙忍死生還

蕪芥蒂中朝名位幾人兼

博帶淡衣氣象寬絕非長頸瘳雙顧高名騰達三千丈春寢裘  
回六十季殘月裁眉鬪夜圍寒花蓬島薦春泉公乎騎尾來人  
在猶是仇池小洞天

孤鶴南飛雲際藏橫江一笛漫思鄉李

定

舒

直

構獄乾坤窄堯

舜垂簾涕淚望不死精靈有此會後生模楷總難量今朝眞見  
斜川集亦是青城小鳳皇

竹葉庵文集卷十八

竹葉庵文集卷十九

詩十九

吳縣

張填

商言

祕閣集四

壬寅正月迄三月

壬寅元旦

新正月初四祭辛朝初五

君王始受朝萬國迎幸同歲朔九衢賀節緩臣僚

折中定禮羣儒服

上以元旦若遇齋惟戒則不受賀著爲令

聖尊

天眾福邀無事閉門聞覓句巷中車騎靜無囂

新正四日謝 賜蘋果月橘

上林嘉樹萬株長隔歲花開子熟豚淡綠妙同天上錦

南中染色有蘋果綠

淡紅全壓洞庭霜上辛日

賜辛盤果太乙鐙分

乙夜光六

載校書寬薄罰烏焉三寫恐荒唐

臣在書局六年未曾以錯字罰俸

### 新季三首

春光在林木百鳥皆欣欣何況小兒女跳踉衣裳新貧家歷歲  
錢頗具數百文貨郎擅叫賣假面搏泥人以此誑羣兒羣兒歡  
咲頗是不可嗔喝受欺乃其淳老夫儉衣食一歲殊苦辛盜泉  
不肯飲廉石不可烹然亦逐歲華出納見新陳比較去季鬢添  
得數莖銀

花戶送花人載送牡丹花老夫贈以錢返花爲咨嗟此花受火  
炙冒寒苗短芽土窟爭新豔衣絮勞周遮雖發上元節已斷穀  
雨葩看花要歡娛生機取無涯如何代花愁黯然相鄉耶吾鄉  
在正月梅信銅坑賒冷骨含正性素心絕點瑕何季攜尊酒坐  
臥野人家

元日五更起獨立鄉庭偶聽茲爆竹聲轟然臨九衢一聲接一聲不斷如連珠大聲如雷霆小聲如瘖夫急聲如弩石緩聲如鳴雛買者衡貴賤造者分精粗及其一粉碎火盡藥同枯凡事盡如此所爭只須與聽鐸不爲巧叩筵不爲愚至人齊萬籟何藉矜區區

蒼女買花燈

連宵新月蚤東升醉裏闌干一一凭半世窮官憐小女十分春色在紅燈誰家緹幕飄香麝無數膏油繫綵繩總博眼肯能一咲灰飛煙燼有何憑

十三日觀燈

上燈時候月華鮮月殿燈橋並可憐好與羣兒鬪佳節反因良夜感中季樓頭星斗傳柑會市上笙歌賣藥錢

菜市口藥店燈獨盛故以朱家賣藥錢爲此



人世歡娛原不少舉頭應問老嬋娟

十四日觀燈

朝來釀雪不成陰火樹鼈山市口尋爲樂百季春酒熟破愁五  
夜曉鐘沈福州詩句紅燈在小宋季華白髮侵誰是傳呼兼列  
炬一般迭步盡朝簷

京師惟巡城御史看燈有紅燈數十爲片燈

元夜眉中對雪

三殿平鋪六出花全稀封事晚寒加上清高迴明於玉下界空  
濛聚似沙打閣春聲非寂寞收燈天氣眉繁華膳夫阜隸多歸  
去活火風爐自煑茶

十六日夜淡大風稍息孤月愈明同錢秀才步至市口

有作

非風卽雪鬧元宵艸艸風光肯放嬌人世羊燈俱不見天邊兔

月亦無聊霜花半夜開門看店火孤竿背影搖宿酒與君拌一  
醒幽人清寢未迢迢

開成石經遺字歌

開成建造石經碑春秋之碑六十七中間遺字渺難稽相傳地  
震多傾踏繫余嗜古來游秦急埽苔花訪碑室易書以下如列  
墉東西肖後分甲乙讀之口燥瘡絕聲椎來臂痛攣無力徬徨  
萬古立廡下森然二石圭角出細審分明旨左文爲字二百餘  
二十續看三石臥牆根官牒殘篇詞未畢段絳栢爲陳唐元

章

師道

楊敬之輩臣覃中書郡開國名姓崢嶸劫火遺官階炫耀新

書佚夕陽古木響鬢官先聖神祇護彩筆倉忙僂呼博士至碎  
石砌置完碑側詫於此經爲有功請自隗始裴成峽中郎典型  
楷代隸叔重偏旁百守一得此五石越四季一石又見太和救

一石顯名艾

居晦與陳玠

是爲元月丁亥日石數天星合成斗火

爛文光孕爲墨六經持世日當中萬國諸生道同術蓬萊水閣  
大波軒說是遺文被海汨高宗吳后杭州碣似比兒孫非祖述  
顯詩完璧紀壬寅湖我尋碑在戊戌成毀離合不可言梅花香  
動春林蜜

頤周翠渠先生

瑛

書海天空濶四大字遺迹

有明中葉士氣申白沙翠渠皆學者新建後起氣象雄粹質良  
金出大冶吾祖莊僖亦講學家訓東南推儒雅何人門戶黨爲  
魁君子冤讎病成痕鄭重如椽四字書海天空濶自陶寫天有  
鶯兮海有魚飛躍分明在上下肖賢粟主拜西風書院諸生傳  
破社森森遺迹珍琬琰莽大聲震聾啞萬安橋字好同裘燕  
歎遺文存者寡

二月二日 經筵禮成 賜宴文淵閣 賜臣塤 鐙夕

聯句帖一玉如意一綵段一龍尾研一筆墨絹箋各十

卽事紀 恩三十韻

天子開書閣 淵 源 津 湖俱九季成一部四庫富千廚

祕笈羅星舍榮光燭斗樞 經筵初屆啟春色藹全敷風動蒼

龍珮香氤翠鵲鑪玉階平以正銅漏靜無粗道妙

仁而知書聲

帝亦儒是日 講知者樂仁者 壽在知人在安民四句 阜康衣會計交泰地天圖 講罷幃纒

撤班分 輦並扶橋迴波似鏡松嫩露如珠雅樂遲遲舉雅樂 華

裊一一鋪西頭編磬泗東首鈔鐘此皆縣而下矣 七校傳羊屍宴中 諸

王勸酒壺上特命 諸皇子勸 酒並見 御製詩法 南金鑄鑿落陳設金 盞玉爵 闐玉削盤盂傳酒皆 玉椀容

半懷核天邊有聽歌壘上無仙人浮海至法曲定場殊桃熟蓬

山頂花明玉女膚昔曾懷囚者今到此閒夫

雜劇演十八學士東方曼倩故事

既奏

還宮樂

雜劇畢又奏雅樂

重聞放賞呼

皇八子承旨呼各以賜曰放賞也

機絲天上織帖本

禁中摹撥桺看龍尻簪豪賤鼠須丸丸皆易水幅幅養成都物

聚琳瑯貴

臣

兼翰墨娛捧來如意也何以報

恩乎日月貞

皇運圖書叶

睿符六季供校勘

臣以要差職任館只六季

三殿爲奔趨豈足微

勞及而叨

濕澤濡公眞如量度細不棄錙銖可仿游仙癡遲

看未日晡歸將詩內景詳述與妻孥

文淵閣筵宴

上以御筵餅餌

分賜諸臣

臣填

席在東階第三行得酥餅一

盤懷置數枚歸遺子姪卽事紀 恩

湯官陳設

御筵珍餽飪人閒不足論太息小人無母遺也教

兒輩拜

君恩歌成濃露圍衽席

宴樂歌濃露之章

酥嫩東風謝齒痕餅賦它季添

故事相攜父老說江邨

奉 敕恭和

御製仲春經筵有述元韻

講殿風光天地春

訓人博約總循循

知能御物如無物

仁以安民蕭養民共仰

古稀天子德不爲己甚仲尼身太平致治由經術 乙夜月鉛

字字真

奉 敕恭和

御製經筵畢文淵閣賜宴以四庫全書第一部告成度閣內用

幸翰林院例得近體四律首章卽疊去歲詩韻元韻四

首

至尊臨幸文淵閣 講幄舒來綵仗移

一聖心源千聖在萬季書庫九季遲今朝果見編摩竣

帝主真無筆削私文武道因方策著 奎章天際應星期

赦

天之命實熙哉多自函函謨訓來三萬六千全數具青黃丹素

四時該

聖人興學仁而壽

天子傳經德與材并作明良成泰運臬陶歌得

帝歌陪

細及衢謠共壤歌百家眾史入按羅

開天畫象原如此

錫福敷民盡與他

聖訓宏文同稟也香匳小句敢存磨落成

祕閣張 恩宴酒

氣松風徧太和

春光暝麗金仙掌午景遲傳銅史籌杯獻 南山無盡極襟承

北斗肯乾不盤中楚脯香初擘天上薰琴韻正悠識得

聖心行樂處詩書至味靜中留

題毛西河朱竹垞二先生合像二首

家學未補子朱子

經義考快家學一門竹垞曾孫休承為子言蓋未成之書也

經師何似毛公毛春風

二老西湖上南北峰頭一並高

諸老要多門下士聲名那復應星台湖田竹樹兩清絕誰弔五

亭鄭秀才

像為西河弟子鄭正睦元慶所撰



哭伯兄九首

緬彼同懷人似花同根枝一花瞥然落它花俱可危予漸過中  
季毛髮日就衰驚此凶問至淚下如綆靡收淚復四顧手足非  
完肢逝者不可作存者反可悲摧殘到兄弟生理已有虧誰將  
落地花重鄉樹頭吹

古之英雄將生入悲玉門玉門二萬里白沙黃艸昏何況是卑  
官旅死尤難論束身爲廉吏那有貲囊存同僚致賻穢孤嬰出  
城闔生不名一錢死得歸中原此已緣天幸惻惻悲心魂

吾祖五十八吾父六十二皆不享大季山頭顛墓志兄運尤蹇  
促昨季五十四盛德比古人陰功爲政治如何不遐齡骨肉輕  
捐棄天人不相感天壽大可憐寒窗哭一聲客棺在蕭寺  
艸堂風雨夕多與兄聯牀悵然寫作圖菱佩荷衣裝不見踰十

季音容多渺茫生不長相聚死在長相望安得如鷓鴣風自展六  
翻長風吹不曠息置我兄柩旁

送兄到蘭州閫門具角楫浩浩春水痕艸艸征衣褶隨身無長  
物促行有官牒絮語不尋完風帆吹獵獵但見煙水中舵樓無  
咲靨舉頭又回顧不見吳宮堞

眉兄於固原弟到傾壺觴山城逼除夕雪大無星光吾媵顧語  
子爾兄麴糵傷痰厥間旬月首足頓仆僵予顧語我兄此物誠  
腐腸不欲逆兄意舉杯言家鄉而予竟日醒以弟爲兄防會子  
眉母歸去住紛徬徨兄出騎馬送並轡城西牆不知淚涕下但  
無乾衣裳兩人皆盛季此景實不祥可憐作此別此別永茫茫  
丈夫不得志每爲醇酒耽兄恨滿腸胃此惟弟所諳假酒以自  
釋不鄉妻孥談妻孥亦何知但嘲先生酣而兄愛小民心絲細

於蠶而兄任大事賦力猛於魁是非醉者能醒則多自慙州倅  
斬設施顏低而心愼逃之糟邱內病果死於痰

廿季不遷官人咲兄才拙惟兄審大執了了心如鐵其時賊吏

多倉庫公攘竊兄若稍貶損亦豈無攜挈旋踵大獄與一一付

殄滅不見黃金匱但濺西市血王曾壁之獄也獨立以全身兄直古明哲

我上有兩兄下有一女弟讀書歲寒閣仲兄傳中最警慧考工與

尔疋口齒書聲脆不到日沈山放學持棗荔而兄守一鐙夏夜

耐蟲螭庭鯉空有訓童烏獨蚤逝謂仲兄詩書何益人季華迭攬

涕小妹長沙去卑溼隨夫壻同生只四人兩生已兩斃死斷今

生緣生結來生誓

哭內兄蔣生題

布衣兄弟易相思凶問迢迢隔歲知歸去江湖無酒客別來寒

暑誤花期髻鬢風雨烏嗥暗門館滄桑鶴語遲并作傷心亾婦  
痛營齋營莫復何爲

胡士震待詔表弟哀詩

中季中表已希存語舊相逢每斷魂雪案半生勤齏簡艸堂今  
日冷魚墩君老宅在轉魚墩枯來心血誠難活貧極官階且漫論聞說黃

淮舟楫險一棺容易到吳門

宋李唐畫山谷觀瀑小像

丈夫不與人家國水流花放山陂陀似於天地了無戀何況富  
貴能相羅公視在緣本淡泊由尉而遷令太和縣小位卑易稱  
職鹽稀米賤無催科匡廬大好讀書處白龍青玉雙栽栽在山  
指之爲泉水出山便可成風波那道在閒章蔡輩此時積漸爲  
人痴李唐李唐爾寫英雄人不肯矚目添酸辛後來要入元祐

黨今日猶是元豐春青春棄擲不足道詩人白髮宣州老

貌似未及四十

歲人放錢籀石頭爲廬山觀瀑圖也

東書堂研歌

銘曰東書堂昔寶文曰劍紫雲之片石兮潔鹽水之元光蘭雪凡二十字

蘭雪銘自周定王

構

教子夏關東書堂紫雲半段切成研宮詞

未竟添鑪香翦圭再爲桐葉賜鍊藥幾令桂樹荒古昔敦倉與

官渡兄弟開封望洛陽蚤遇吾祖作巡撫恐王亦被檻車裝

王伊

典核有迹迹先莊傳公勘其府中官屬縛典核獻京師

研兮研兮洗汴水蟾蜍一滴聞湯湯樊樓且

看宋鐙火河閒況嗣漢文章文章梁苑接吹臺想是人人作賦

才可惜白頭王長史翰佯狂一去不重來

王昭君二首

花作容顏玉作膚丹青能得一般無而今莫恨毛延壽猶博君

王看畫圖

三十六宮溘殿春琵琶聲裏送和親黃金便賂毛延壽未必承  
恩薄命人

題畫

屋短青山高江頭開門戶不見春水生但見船移浦

同施耦堂御史吳穀人編修游陶然亭次韻二首

折得花枝滿鬢簪踏來芳艸試新吟高臺落日自然遠野水欲  
波不在深冉冉游蜂尋故隊遲遲宿鳥有歸心青春到眼休孤  
負莫以升沈課六壬

錫籥紙鷓一番新二月風光碾麴塵詩律長篇原有敵酒人名  
士況相親中季以往蒼頭艾勞者之歌釜下薪輪與吳郎朝氣  
盛樽桑初日正初寅

題方侍郎

苞

鍾禮部

琬

遺像二首

江南江北賈長頭三篋河東廟市收五十季角顛字在看它二  
老最風流

丁小雅得宋人王與之阿臚訂義數冊有蘇經紅筆點勘望溪綠筆圈閱之字

望溪遺直古人師曾爲滄洲說有兒

陳恪勤公仲子樹著讀書爲諸生望溪顏先祖曰滄洲有子矣時樹著之

兄已爲達官方在坐望溪不顧也

鍾氏治經稍後起要非木落不歸時

孔穎達曰皇甫侃傳禮經是木落不

歸其本

### 顛丁小疋進士歸耕圖二首

昨過學士

布

城南宅曾見一蓑一笠來今日擔頭歸計好艸

堂封識待君開

喬木風煙有舊居淺湖淺茨近何如外家宅相航頭歷讓爾紛

綸誦讀書

君之祖母子曾祖母之曾姪孫女也

### 文淵閣小松十二韻

祕閣新成後雛松衰石杠分班玉作筍列仗翠爲幢鬣短纒依

屋濤輕未似江祥光迎日珥清韻滴星釭蒙養傳先聖成材窻  
萬邦有時高偃蓋多壽少空腔雨露承恩渥脂膏得地厯 溘  
廷開虬圃秦樹長書窗秀毓 神京產名殊怪石扛百花無處  
著畧木一齊降綠嫩茶分椀黃松黃也浮酒溢缸  
宸游陪宴賞佳景麗蕪雙

文淵閣假山十二韻

爲山成一簣愛此碧巉巖天上人難到峰頭界不凡五丁開匠  
作二酉設官監硯磊何高厚玲瓏特空去嵌雨痕添篆籀風竅  
應韶咸

聖德神功峻雲斤月斧鑿鞭羊平海若射虎掃天櫬構得蓬壺  
景傳爲策府巖曝書依石壁無汗印蕉衫上有仙人奕峰西有仙人奕几  
中疑寶字函雪根無不斂艸帶細於髟欲寫真形稟方圓五嶽



緘

三月廿九日乞假同翁覃溪季絅齋二校理飯於文

淵閣直廬次韻有作

飯  
楊花撲徑送殘春受代蕭閒是此晨爲戀六季書局共得陪一

主恩新

是日初設官飯

來朝咫尺江湖遠愧我清華地望陳

初設衙子與二君卽被

命

畱句同文爲倡和幾回松翠石闌循

予以乞假送兄柩歸蘇州同官贈詩見祕閣倡和集中

依韻奉答

避京作

辭家正好綠楊春瞥見風光雪霰晨萬里鵝鶻成獨往一生花  
萼不重新飄零舊雨心多苦俛仰停雲迹又陳出處邇來無定  
局爲農爲仕尚因循

竹葉庵文集卷十九